

**MAS tetap pilihan saya – Richard Quest**  
**Astro Awani**  
**9 April 2014**

**KUALA LUMPUR:** Penerbangan Malaysia Airlines (MAS) tetap menjadi pilihan kepada Koresponden CNN dan pakar penerbangan, Richard Quest.

Quest berkata biarpun MAS dihimpit episod duka dengan kisah kehilangan penerbangan MH370, beliau tetap yakin dengan keupayaan syarikat penerbangan tersebut.

Katanya, isu keselamatan tidak langsung timbul malah MAS merupakan antara syarikat penerbangan terbaik dan keupayaannya tidak diragui.

"Tentunya saya akan terus terbang dengan MAS. Jika esok saya diperlukan menaiki pesawat MAS Boeing 777, saya akan menaikinya.

"Tiada isu keselamatan dengan MAS, tidak ada bezanya MAS dengan syarikat penerbangan lain di dunia," katanya ketika dihubungi Agenda AWANI Khas malam tadi.

Quest juga menjelaskan apa yang berlaku terhadap MAS dengan kehilangan MH370, boleh juga menimpa syarikat penerbangan lain.

Copyright © Astro Awani Network Sdn. Bhd. 2014 (535275-D). All Rights Reserved.

Source: <http://www.astroawani.com/news/show/mas-tetap-pilihan-saya-richard-quest-33487?cp>